



Nakon akcije Ostrvo provedene u Ljubuškom Kućni pritvor za jednog od uhapšenih

Mjere zabrane određene su za D. V, dok su ostala trojica osumnjičenih puštena

D. V. iz Ljubuškog, uhapšenom u akciji **SIPA** kodnog imena Ostrvo, jučer su određene mjere zabrane, nakon čega je pušten da se brani sa slobode. Osim njega, u ovoj akciji su uhapšeni R. K. i A. B, državljani BiH, i državljanin Albanije R. K. koji su pušteni na slobodu nakon saslušanja.

Prema riječima Borisa Grubešića, portparola Tužilaštva BiH, D. V. su određene mjere kućnog pritvora, zabrana putovanja, a oduzete su mu i putne isprave. Naloženo je da nadležna policijska uprava jednom dnevno provjerava da li se pridržava ovih mjera.

Pripadnici **SIPA** jučer su završili kriminalističku obradu nad D. V. i R.

K, osumnjičenih za trgovinu drogom. Ove osobe uhapšene su u prekjucerašnjoj akciji kodnog naziva Ostrvo zbog sumnje da su trgovali drogom, a na području Ljubuškog zaplijenjeno je pola kilograma heroina. Droga je pronađena prilikom pretresa kuće i dvorišta D. V, a riječ je o više od 400 grama miksano heroina i 65 grama heroina visoke čistoće i kvaliteta.

Grubešić ističe da se istraga nastavlja, a ove osobe se sumnjiče da su kao pripadnici organizovane kriminalne grupe švercovali kokain iz Hrvatske i Njemačke u BiH

Nezvanično, u srijedu su uhapšeni Damir Vukšić, Adrijan Bandur, Zoran Pilatić i Ronaldo Koko. **D. P.**



Kokain nađen u akciji Ostrvo